




Broj: 05-50-1-3521/13
Sarajevo, 6.3.2014. godine

PARLAMENTARNA SKUPŠTINA BiH

- Zastupnički dom -

SARAJEVO



PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 85. sjednici održanoj 6.3.2014. godine, utvrdilo je Odgovor na zastupnička pitanja koja je postavila Nermina Zaimović-Uzunović, zastupnica u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-3521/13
Sarajevo, 6.3.2014. godine

Gđa Nermina Zaimović-Uzunović, poslanica u Predstavičkom domu Parlamentarne skupštine Bosne i Hercegovine, na 58. sjednici Predstavničkog doma, održanoj 05.12.2013. godine, uputila je sljedeće poslaničko pitanje:

„1. Zašto na graničnim prelazima Bosne i Hercegovine nema obilježja države Bosne i Hercegovine?

2. Kada će institucije zadužene za funkcioniranje graničnih prelaza postaviti obilježja BiH na sve granične prelaze?

3. Ko je odgovoran što do sada nisu postavljene zastave Bosne i Hercegovini i table sa informacijama o ulasku u BiH na svim graničnim prelazima u Bosnu i Hercegovinu?

4. Tražim da nadležne institucije Bosne i Hercegovine u najkraćem roku postave na svim prelazima za međunarodni saobraćaj oznake Bosne i Hercegovine.

Na graničnom prelazu za međunarodni saobraćaj između Crne Gore i BiH, Deleuša na putu Bileća-Nikšić, nema obilježja Bosne i Hercegovine, npr. na jarbolu nema zastave Bosne i Hercegovine. Nema ni table sa informacijama o ulasku/izlasku u/iz Bosne i Hercegovine.

Na graničnom prelazu za međunarodni saobraćaj između Crne Gore i Bosne i Hercegovine, Hum na putu Foča-Plužine, nema obilježja Bosne i Hercegovine. Nema oznaka koje na međunarodnom prelazu pokazuju u koju se državu ulazi.

Sporazumom između BiH i CG, na graničnom prelazu Hum treba da se uspostavi i fitosanitarna kontrola, a državne institucije nisu u stanju, dvije godine od potpisivanja sporazuma o graničnim prelazima, da na granične prelaze postave državna obilježja.“

Na postavljeno pitanje, Vijeće ministara Bosne i Hercegovine je na 85. sjednici održanoj 6.3.2014. godine, utvrdilo sljedeći

ODGOVOR

Na osnovu člana 18. stav (4) Zakona o graničnoj kontroli („Službeni glasnik BiH“, br. 53/09 i 54/10) i člana 61. stav (2) Zakona o upravi („Službeni glasnik BiH“, br. 32/02 i

102/09), ministar komunikacija i prometa Bosne i Hercegovine donjeo je „Pravilnika o obliku i sadržaju oznaka i druge saobraćajne signalizacije kojom se označava granični prijelaz i njegovo područje, blizina granične linije, kao i način postavljanja tih oznaka i signalizacije“ („Službeni glasnik BiH“, br. 103/12 od 25.12.2012. godine).

Ovim pravilnikom propisano je da se oznake i druga saobraćajna signalizacija, propisana ovim pravilnikom, postavlja na osnovu saobraćajnog projekta, koji odobrava Ministarstvo komunikacija i prometa Bosne i Hercegovine. Za izradu saobraćajnog projekta, za oznake i drugu saobraćajnu signalizaciju propisanu ovim pravilnikom, na cestama zaduženo je Ministarstvo komunikacija i prometa BiH, a za oznake i drugu saobraćajnu signalizaciju na željeznici, zračnim, morskim i riječnim lukama zadužen je operater koji upravlja infrastrukturom.

U skladu s tim, Ministarstvo komunikacija i prometa BiH je donijelo odluku za nabavku usluga „Izrada prometnog projekta zamjene i obnove oznaka i druge prometne signalizacije kojim se označava granični prijelaz i njegovo područje, blizina granične linije kao i način postavljanja tih oznaka i signalizacije samo za cestovne granične prijelaze“, broj: 01-04-29-10-2816-1/13 od 21.08.2013. godine, čija je realizacija u toku.

Međutim, potrebno je naglasiti da procedure javnih nabavki zahtijevaju određeno vrijeme da bi se ispoštovale sve zakonom predviđene faze prilikom izbora najboljeg ponuđača, kao i da je često potrebno dodatno vrijeme zbog neželjenih ponavljanja postupaka.

Finansiranje ovih usluga vršit će se iz budžeta Ministarstva komunikacija i prometa Bosne i Hercegovine za 2013. godinu (Službeni glasnik BiH, broj 100/12).

Nakon realizacije izrade prometnog projekta, pristupili bi proceduri ugovaranja izrade i postavljanja prometne signalizacije za granične prijelaze u skladu sa Zakonom i Prvilnikom.